

AKTA KERAJAAN TEMPATAN 1976

UNDANG – UNDANG KECIL KEDAI GUNTING DAN PENDANDAN RAMBUT (MAJLIS PERBANDARAN TAIPING) 1983

PADA menjalankan kuasa – kuasa yang diberi di bawah seksyen 102(s) Akta Kerajaan Tempatan, 1976, Majlis Perbandaran Taiping membuat dan menurut seksyen 103 Akta tersebut Pihak Berkuasa Negeri Perak mengesahkan undang – undang kecil yang berikut:

1. Undang-undang Kecil ini bolehlah dinamakan **Undang-Undang Kecil Kedai Gunting dan Pendandan Rambut (Majlis Perbandaran Taiping) 1983** dan hendaklah dipakai kepada semua kawasan di Majlis Perbandaran Taiping dan hendaklah mula berkuatkuasa pada tarikh ianya disiarkan dalam *Warta Kerajaan*.
2. Dalam undang-undang kecil ini melainkan jika kandungan ayatnya menghendaki makna yang lain-

“dandan rambut” termasuk potong rambut, kerinting rambut, potong-kemas, mencelup, mencukur, mensyampu dan tiap-tiap kerja seumpama itu yang biasanya dilakukan oleh seseorang pendandan rambut sama ada dengan tangan, dengan alat, dengan elektrik atau dengan menggunakan apa-apa serbuk atau larutan atau dengan apa-apa kombinasi cara itu;

“kedai gunting rambut” termasuk sesuatu kedai pendandan rambut dan tiap-tiap salun dan semua premis yang di dalam atau di atasnya urusan dandan rambut dijalankan;

“larutan disinfektan” ertinya larutan apa-apa disinfektan yang sama kekuatan racun kumannya dengan 5 peratus larutan asid karbolik;

“pendandan rambut” termasuk seorang penggunting rambut dan (semasa orang itu menjalankan kerja berkaitan dengan dandan rambut dalam kedai gunting rambut) seorang pekerja pendandan rambut;

“Yang Dipertua” ertinya Yang Dipertua Majlis Perbandaran Taiping.

3. (1) Tiada suatu pun premis boleh digunakan sebagai kedai gunting melainkan jika premis itu dilesen oleh Yang Dipertua.

(2) Sesuatu lesen, melainkan jika digantung atau dibatalkan terlebih awal, adalah sah sehingga 31hb Disember berikutan dari tarikh bermulanya lesen itu, tetapi boleh dibaharui pada atau sebelum 31hb Disember tiap-tiap tahun.

(3) Sesuatu permohonan untuk mendapatkan lesen atau untuk membaharui lesen hendaklah dibuat dalam Borang yang ditetapkan dalam Jadual I.

(4) Jika sesuatu permohonan dibuat oleh pertubuhan yang diperbadankan atau firma, permohonan itu hendaklah ditandatangani timbal oleh orang kepada siapa lesen itu hendak dikeluarkan.

(5) Bayaran yang kena dibayar bagi sesuatu lesen hendaklah menurut skel dalam Jadual II.

(6) Yang Dipertua hendaklah menyimpan suatu daftar semua permohonan untuk mendapat lesen atau membaharui lesen.

(7) Dalam masa sesuatu lesen itu hidup Yang Dipertua oleh, atas permohonan pemegang lesen itu, membenarkan supaya lesen itu dipindah milik kepada orang lain.

(8) Tiap-tiap pendandan rambut yang menjalankan perniagaan atau urusan pendandan rambut atau menjaga atau diambil bekerja di premis mana urusan itu dijalankan hendaklah membenarkan Yang Dipertua atau mana-mana orang yang diberi kuasa dengan sewajarnya olehnya memasuki premis itu pada bila-bila masa yang munasabah tanpa notis dan memeriksa premis itu dan tiap-tiap bahagiannya dan tidak boleh menghalang atau membenarkan orang itu dihalang daripada membuat pemeriksaan itu.

4. Premis tiap-tiap kedai gunting rambut, perkakas, perabot dan alatnya hendaklah pada setiap masa disenggara dalam keadaan baik dan berada di dalam keadaan yang sungguh bersih.

5. Bekalan air panas dan sejuk yang cukup hendaklah diadakan terus menerus di tiap-tiap kedai gunting rambut semasa dibuka untuk urusan.

6. Tiap-tiap kedai gunting rambut hendaklah mengadakan sekurang-kurangnya dua bekas yang sesuai yang bertudung rapat, yang ke dalam satu daripadanya hendaklah dimasukkan semua tuala kotor dan kain-kain kotor lain selepas sahaj digunakan dan ke dalam yang satu lagi hendaklah dimasukkan semua keratan rambut dan lain-lain buangan tred dengan seberapa segera yang praktik selepas melayan seorang pelanggan.

7. (1) Sebelum melayan seseorang pelanggan, tiap-tiap pendandan rambut hendaklah mencuci tangannya dengan sepenuhnya, dengan menggunakan sabun dan air bersih, dan bila perlu menggunakan berus kuku.

(2) Semasa melayan seseorang pelanggan, tiap-tiap pendandan rambut hendaklah memakai kot atau overall yang bersih dan padan berwarna putih atau warna lembut diperbuat dari kain yang boleh dibasuh.

(3) Tiap-tiap pendandan rambut hendaklah menjalani pemeriksaan doktor setahun sekali.

8. (1) Tuala muka, pelindung leher, tuala leher dan fabrik-fabrik lain yang secara langsung menyentuh kulit seseorang pelanggan yang diuntukkan bagi pelanggan itu hendaklah baru dan bersih.

(2) Tuala muka hendaklah direndam dengan air mendidih atau sebelum digunakan pada tiap-tiap pelanggan.

9. Apa-apa sabun daripada sabun cair atau krim cukuran atau serbuk cukuran tidak boleh digunakan bagi maksud membuat buih bagi mana-mana pelanggan yang menghendaki cukuran.

10. Cawan yang digunakan untuk mengisi air bagi membuat buih untuk cukuran hendaklah dikosongkan selepas sahaja digunakan bagi tiap-tiap pelanggan dan dicuci sepenuhnya dengan air mendidih.

11. Span atau puff bedak tidak boleh diguna ke atas pelanggan.

12. Keluar darah hendaklah diberhentikan hanya dengan suatu stiptik yang sesuai yang hendaklah digunakan ke atas seseorang pelanggan sahaja dan hendaklah selepas sahaja digunakan dimasukkan dalam bekas yang disediakan untuk buangan tred.

13. (1) Mana-mana orang yang menghidap apa-apa penyakit berjangkit atau menular, atau apa-apa ruam atau lelasan berjangkit atau menular di muka, leher atau kulit kepala hendaklah memberitahu pendandan rambuttentang adanya penyakit, ruam atau lelasan itu sebelum ia membiarkan kerja mendandan rambut dijalankan ke atas dirinya.

(2) Tiap-tiap pendandan rambut, apabila diberitahu sedemikian atau apabila mendapat tahu secara lain bahawa seseorang itu menghidap apa-apa penyakit berjangkit atau menular atau ruam atau lelasan berjangkit atau menular hendaklah, semasa melayan orang itu, menggunakan alat-alat berasingan yang diasingkan untuk kegunaan khas bagi orang-orang itu. Alat-alat itu hendaklah selepas sahaja digunakan direndam dalam suatu larutan disinfektan selama sekurang-kurangnya lima minit. Semua tuala, kain atau fabrik lain yang digunakan ke atas orang itu atau kot overall yang dipakai oleh pendandan rambut itu hendaklah selepas sahaja digunakan dimasukkan dalam suatu larutan disinfektan atau dalam air mendidih selama sekurang-kurangnya sepuluh minit.

(3) Seseorang pendandan rambut yang menghidap apa-apa penyakit berjangkit atau menular atau apa-apa ruam atau lelasan kulit berjangkit atau menular tidak boleh melayan mana-mana pelanggan.

14. (1) Tiap-tiap pendandan rambut hendaklah menyebabkan supaya semua kelengkapan bagi kegunaan am yang tersebut di bawah ini dibasmikan kuman mengikut cara yang ditetapkan atau dengan cara pembasmian kuman melalui diangan lampu ungu yang diluluskan oleh Yang Dipertua.

- (a) Pisau cukur, gunting dan sikat – rendamkan selama sekurang-kurangnya tiga minit dalam larutan disinfektan;
- (b) Perepang (clipper) – mula-mula baru sepenuhnya gigi-gigi dengan suatu berus yang bersih dari kuman untuk membuang semua rambut dan kemudian lap gigi-gigi itu dengan sekeping kain yang telah dicelup dengan larutan disinfektan;
- (c) Berus rambut – rendamkan bahagian bulu atau bulu keras selama sekurang-kurangnya tiga minit dalam larutan disinfektan yang sesuai dan kemudian keringkan berus itu dalam ruang udara-panas;
- (d) Berus cukur – apabila suatu berus baru akan mula digunakan, rendamkan bahagian bulu keras dalam larutan formalin 10 peratus selama sekurang-kurangnya tiga puluh minit dan selepas itu bilas dengan air bersih. Apabila hendak digunakan lagi kemudiannya, rendamkan bahagian bulu atau bulu keras dalam air mendidih selama sekurang-kurangnya tiga minit tetapi jika bulu keras itu dibuat daripada apa-apa bahan sintetik memadaiilah membasuhnya dengan sabun dan air.

(2) Semua kelengkapan yang tersebut di atas hendaklah dibasmikan kuman mengikut cara yang dinyatakan di atas sebelum digunakan tiap-tiap ahri dan selepas sahaja digunakan ke atas tiap-tiap pelanggan.

15. Tiada seorang pun boleh meludah ke lantai atau dinding kedai gunting rambut.

16. Tiada seorang pun pendandan rambut boleh menyebabkan atau membenarkan apa-apa binatang masuk atau tinggal dalam kedai gunting rambut.

17. Suatu salinan lesen yang diletakkan dalam frame yang sesuai hendaklah pada setiap masa dipamerkan dengan cara yang mudah dilihat dalam tiap-tiap kedai gunting rambut dan hendaklah sentiasa dibaca.

18. Sesiapa yang menjalankan salun atau kedai gunting rambut tanpa lesen atau melanggar mana-mana peruntukan undang-undang kecil ini, setelah disabitkan, boleh dikenakan denda tidak melebihi dua ribu ringgit atau penjara selama tempoh tidak melebihi enam bulan, atau denda dan penjara kedua-duanya sekali.

19. Undang-Undang Kecil (Kedai Gunting dan Mengerinting Rambut) Majlis Bandaran Taiping 1974 dengan ini adalah dibatalkan.

JADUAL I

UNDANG – UNDANG KECIL KEDAI GUNTING DAN PENDANDAN RAMBUT
(MAJLIS PERBANDARAN TAIPING), 1983
(Undang-undang kecil 3 (3))
BORANG PERMOHONAN BAGI MENDAPATKAN LESEN

Yang Dipertua,
Majlis Perbandaran,
Taiping

Saya/Kami* dengan ini memohon suatu lesen bagi kedai gunting/salun pendandan rambut saya/kami* yang menjalankan perniagaan di bawah nama atau gelaran.....
.....dan bertempat di.....

BUTIR-BUTIR YANG DIKEHENDAKI

1. Nama penuh pemohon dan Nombor Kad Pengenalan.....
.....
(Nyatakan sama ada Encik/Puan/Cik)
2. Alamat peribadi pemohon.....
.....
3. Tarikh dan tempat lahir pemohon.....
.....
Jika tarikh tepat tidak diketahui, nyatakan umur yang hampir.....

4. Kewarganegaraan.....
5. (a) Nyatakan sama ada perniagaan ini kepunyaan tunggal, perkongsian atau syarikat berhad.....
 (b) Nyatakan dalam sifat apakah pemohon ada, hubungan dengan perniagaan ini, jika lain daripada tuan punya tunggal.....
6. Nama-nama dan alamat rakan kongsi (jika ada).....

7. Alamat surat menyurat.....

8. Adakah pemohon:
 - (a) sebelum ini pernah dikeluarkan dengan suatu lesen dibawah Undang-Undang Kecil ini, jika ada, nyatakan nombor lesen dan tarikh dikeluarkan.....
 - (b) pernah ditolak suatu lesen di bawah Undang-Undang Kecil ini.....
 - (c) pernah dibatalkan sesuatu lesen di bawah Undang-Undang Kecil ini.....
9. Bilangan kerusi gunting yang digunakan di premis.....
10. Jumlah pekerja di premis.....
 Dengan ini saya mengaku bahawa butir-butir yang diberikan dalam permohonan ini mengikut pengetahuan dan kepercayaan saya adalah benar. Bertarikh pada.....hb.....19.....

.....
Tandatangan Pemohon

JADUAL II
(Undang-undang kecil 3 (5))
BAYARAN LESEN

	<i>Tidak Berhawa Dingin</i>	<i>Berhawa Dingin</i>
	<i>Setahun</i>	<i>Setahun</i>
<i>Kawasan Bandar</i>	\$ c.	\$ c.
(a) Tidak melebihi 3 buah kerusi penggunting rambut	30.00	45.00
(b) 4-6 buah kerusi penggunting rambut	60.00	90.00
(c) 7-10 buah kerusi penggunting rambut	80.00	120.00
(d) Melebihi 10 buah kerusi penggunting rambut	100.00	150.00
<i>Luar Bandar</i>	\$ c.	\$ c.
(a) Tidak melebihi 3 buah kerusi penggunting rambut	15.00	25.00
(b) 4-6 buah kerusi penggunting rambut	30.00	45.00
(c) 7-10 buah kerusi penggunting rambut	40.00	60.00
(d) Melebihi 10 buah kerusi penggunting rambut	50.00	75.00

Diperbuat pada 29hb Disember 1984.

[MP Tpg. PEN/10/2SJ 12; PU, PK. 23/75 BHG II]

IDRIS BIN MAMAT,
Yang Dipertua,
Majlis Perbandaran Taiping

Disahkan pada 18hb Januari 1984.

MOHD. SHAHAR BIN HJ. ALANG SAIDIN,
Setiausaha,
Majlis Mesyuarat Kerajaan, Perak